

焦太史編輯國朝獻徵錄

焦太史編輯國朝獻徵錄卷之三十七目錄

南京禮部二

侍郎

陳璉

俞綱

章綸

廖莊

馬廷用

劉瑞

趙永

呂柟

崔銑

陳陞

孫鉞

金陵黃應登

全枝

吳興茅元儀

錢塘徐象楨

刊行

目錄終

焦太史編輯國朝獻徵錄卷之三十七

南京禮部二

侍郎

南京禮部左侍郎陳公璉傳

陳璉字廷器東莞人自幼聰敏喜學從黃勛受書經
領洪武庚午鄉薦爲桂林府教授嚴條約以身先之
都督韓觀總兵鎮守廣西猛悍不下士聞璉之教悅
服每加禮焉秩滿陞國子助教永樂初近臣言璉有
治才不宜置之散地召試在俊等擢知許州始至人
以儒者易之少有警發衆爲悚懼乃更以寬厚寧民

俗多淫祠戒諭之俗遂漸變未幾代還改滁州均徭役時征斂禁奸戢暴民用大和 太宗皇帝巡幸北京所過先遣廷臣察吏治問民隱治有異效者加陞擢焉衆皆言璉績最滁人恐失之詣闕乞留遂陞揚州知府掌滁州事賜綺衣一襲鈔五百貫禮部宴餞給驛還在滁州又九年陞四川按察使四川去京遠民不畏法豪吏黠胥奸弊百出璉至一治以法不少貨軍中暴橫有號虎彪太歲者人莫敢犯犯輒受奇禍廉得其實密遣人捕之皆寘之重典乃建言修武備慎刑罰明禮制復義倉正風俗等九事 上嘉納

之璉素有文學永樂間獻歌頌 上雅知之召還改

南京通政使俾專掌國子監事師道尊嚴善於訓迪
士類悅之丁內艱正統初起復調南京禮部左侍郎
又五年致仕璉德行淳懿文詞典重人愛之若拱璧
其所進者有巡狩頌平胡頌饒歌鼓吹摺紳士大夫
求碑銘序記詩賦諸作足相躡於門應之如響故著
作最多所至學者考德問業無虛日黃蕭養作亂璉
建制禦緩靖之策竟平之卒年八十五初去滁時滁
人脩之於醉翁亭與歐陽脩王禹偁爲三賢祠東莞
縣知縣吳中祠之與李用李春叟亦曰三賢祠論曰

一統志稱璉孝友和厚博通經史以文學知名於時
及得其集而閱之斤乎其明渾乎其肅括平平乎如
轡神駿馳輕輶於康莊之塗也信有德者之言哉晉
江林誌有聲翰林嘗同事會試場屋與之論經史無
挂漏者遂師事之語人每曰當今司馬君實又曰人
中麟鳳也其感人如此其所操存可知矣家有萬卷
堂所儲多秘府所無者四方學士求觀必館穀焉後
皆爲官府奪去其同老會試者二皆在爲知州時
國初之制蓋如此

南京禮部左侍郎俞綱傳

俞綱字宗立正統初以順天府學生善書選騰錄宣廟實錄書成授試中書舍人選授書郎王府陞審理正景皇帝卽位以潛邸恩陞太僕寺少卿守安定門景泰改元陞兵部右侍郎命預內閣機務綱固辭明年轉左侍郎又明年丁母憂奪情視事加陞太子少保命二俸兼支綱辭其一開經筵命充講官英廟復辟革太子少保調南京禮部左侍郎成化二年秩滿陞食正二品俸明年致仕至十四年四月卒於家賜葬祭綱和厚馴謹不忤於物景泰天順之際

能周旋其間凡潛邸舊臣位通顯者皆罷去而獨得
無咎云

通議大夫南京禮部左侍郎贈南京禮部尚書

謚恭毅章公給墓誌銘

謝鐸

成化癸卯春三月甲寅南京禮部左侍郎樂清章公以疾卒於家訃聞上遣官營葬事賜諭祭焉公之子南京禮科給事中玄應將以是歲冬十二月甲申葬公橫嶼山之原狀公行來連銘於予公立朝大節赫赫在人耳目銘固不繁於有無獨念鐸之於公仰止焉者非一日銘固吾黨事也其可以辭始鐸成化初被旨入校先皇帝實錄見公景泰中論復儲下獄事輒嘆息泣下曰公疏動萬言而一不知載何以

示天下後世亟持以告總裁官學士劉文安公公曰
諸臣奏疏凡留中者例不得書鐸曰天下事詎有大
於此者此而不書將奚書公益上其事增入之公慙
然曰業已成無益也鐸至今未嘗不以爲恨於乎銘
固吾黨事也其可以辭公以正統己未進士爲南京
主客主事景泰中擢儀制郎中方是時南城懷愍之
變上干天變公卿百執事無一人敢冒言於廷者公
遂極言修德弭災凡十四事曰畏天戒曰任燮理曰
養聖躬曰節幸遇曰務儉約曰勤論政曰悖孝義曰
慎賞罰曰重名爵曰革巡撫曰擇重臣曰辨異端曰

却貢獻曰汰冗官皆譏切時病傳以古義而於畏天
戒悖孝義尤惓惓焉大要以爲臣子之邪佞妾婦之
驕妬小人進而君子退夷狄強而中國弱刑不當罪
賞不當功負役繁重紀綱散壞凡皆在人之陰足以
勝陽於是乖氣致沴而天變見矣況上皇爲天下之
父陛下爲上皇之臣上皇以天下授陛下陛下以天
下尊上皇今若是尤天鑑所在而不容以僞者誠不
可不念同氣之親推猶子之義率羣臣時見上皇詔
沂王復居儲位如此則五倫全備和氣充溢天心自
回災異自弭且曰臣非不知逆耳之言出而身必危

然臣身輕而朝廷重使朝廷事安則臣身雖死亦無憾矣疏入上大怒逮繫詔獄連五日榜掠無全膚必欲置之死天忽大風雨黃沙四塞獄遂稍緩得不死初御史鍾同亦上言令諸司各陳所以致災者因以復儲事風禮部老臣縮不敢對曰作死作死公疏方具奮曰我復不言當誰言者遂言之至是乃并逮同明年秋南京大理少卿廖莊亦繼公有言詔廷筆八十幾死且并筆公暨同同死獄中天順初首詔釋公檢公疏無所得內臣有能舉以誦者上擊節嘆賞卽日擢爲禮部右侍郎未幾同列有中公者更出爲

南京禮部 上特御文華殿慰遣之以白金文綺資
焉尋轉南京吏部 先皇帝上賓遣詔嗣君婚禮不
得過百日公復極言三年通喪達乎天子今山陵尚
新元朔未改諒陰婚配實所未安禮官大臣爭排公
賴上聖明不之罪秩滿稍遷南京禮部左侍郎以內
艱乞致仕許之公平生以天下爲已任凡朝政得失
生民利病知之未嘗不言言之未嘗不盡方其未論
復儲也嘗陳太平政治十六策以至籌邊固通楮鈔
冀寬恤增解額亦屢言之蓋已亡慮數千萬言其始
脫詔獄而爲禮部也山東以水災告戶部尼不行則

特奏得減租十之五王府以火災告同列執以例則特請得賜金五百兩蓋其且陪且奮而抗言議論不少挫抑有如此者噫公歷官先後不四十年在南京者恒十之八立朝之日蓋十不能一二而其反覆論諫已若是其盛使公坐廟堂立殿陛與天子相可否是非則其所以爲世道計者當何如耶公初諱崙尋改綸字大經本吳姓其先閩人五代時有爲閩王太傅曰子鈞之孫賁避亂徙樂清南閭凡幾世諱開宗者仕元爲德清典史後章氏因以爲姓實公之始祖也曾祖諱性不仕祖諱新民父諱文寶皆以公貴累

文先
告君
之詞

贈南京禮部右侍郎公生永樂癸巳享年七十有一
配朱淑人先九年卒子男三長玄清亦先公卒次玄
應以乙未進士至今官次玄會以恩補國子生公自
少輒嗜學不事家人生產嘗截枯竹繼晷晝夜誦不
休少從春官主事黃岩章先生阪學及爲郡學生則
又從郡守何公文淵參贊疑義既歷官南北聚書幾
萬卷自六經子史以至星歷醫卜皆搜抉務達其要
以爲文之有關世教者莫先告君之詞故平生之文
奏議爲多而間發爲詩亦不事雕琢而自成一家有
拙稿困志集進思錄凡若干卷藏於家公性質直坦

易與人無貴賤疏戚一笑之間洞見肺腑至其臨大事決大議則凜不可奪自號慙夫或勸公少貶以徇曰在我者有義與命在彼者吾不知也故悅公者寡不悅公者衆然至論立朝大節未嘗不以公爲首稱於乎歲寒乃見松柏我國家承平之治至宣德正統而極極熾而豐大小之臣方仰承德意以將順頌美於不暇所謂憂治世而危明主者已絕無而僅有蓋於是得二人焉曰翰林學士李公時勉曰翰林侍講劉公球至於景泰之季而公實繼之公以二聖之恩克保晚節已上饒學士公於無媿故雖不必若鍾侍

御與劉侍講公之死然究其所至固非嘗試而幸成者則其於廖蓋已有光矣於乎公固一代之偉人也哉公之羣行不止是給事君能文蓋別著之家乘鐸不得而論論其繫天下國家之大者以銘公墓以備國史之缺以明示天下後世亦公之志也銘曰浚恒之凶世具曰非吾寧爲激而不以隨罔子之裕世具曰是吾寧爲罪而不以恥我思古人猛虎然黃龍孰與重輕發蒙振落我思古人砥柱狂瀾孰與有無摸稜兩端彼何人斯如鬼如域不有君子吁何能國我作銘詩以告萬世紛紛鄙夫敢拜公墓

公資稟殊常甫成童卽刻勵好學既冠郡守何公文淵選補庠生登正統己未進士授南京禮部主事景泰初陞禮部儀制郎中適國家多故公知無不言言無不盡首請增會試取士額次言太平十六事累數千言俱准議行車駕欲幸大隆福寺公言以萬乘之尊臨異端之地傳之後世誠非美事

見名臣言行通錄

五年五月陳言修德弭災十四事其悖孝義畧曰臣聞伊尹告太甲有曰立愛惟親立敬惟長始於家邦終於四海孟軻氏有曰堯舜之道孝弟而已矣誠以孝弟者百行之本萬善之長天子之所以德教加於

百姓刑於四海者不越乎一孝弟而已 本朝以孝
治天下而友弟之義皆孝所推恭惟 上聖皇太后
皇太后兩宮爲天子母尊之至也 皇上以天下
養養之至也故孝子之至莫大乎尊親尊親之至莫
大乎以天下養以天下養之在乎躬親養之躬親養
之庶幾謂之至也伏望 皇上於退朝之暇必朝兩
宮尊奉 上聖皇太后皇太后而修問安視膳之禮
是卽古帝王之孝也臣又恭惟 太上皇帝君臨天
下十四年是爲天下之父也與 皇上同氣異胞是
爲至親之兄也 皇上向曾親受 上皇之冊封是

爲 上皇之臣子也 上皇親征戎虜被留虜庭嘗

有詔旨傳位於 陛下是以天下授 陛下也 陛

下尊之爲太上皇帝是爲天下之至尊也幸而奉迎

還宮是 皇上之至願亦天下之至望也 上皇爲

陛下同氣之親兄 陛下爲 上皇同氣之親弟

形雖爲二其實一人況 上皇天性謙冲意無彼此

伏望 皇上於朔望日或節日一幸南宮率羣臣朝

見 上皇於延安門以叙連枝同氣之情以極尊隆

崇奉之道是卽古帝王友弟之義也至於儲位亦不

可久虛伏望 皇上推同氣猶子之義詔 沂王復

居儲位以爲天下之本如此則五倫備而和氣充溢於官庭萬姓愛戴而歡聲洋溢於四海始見天心自回災異自弭而胡虜不足平矣

見進思錄

景泰五年春上天示戒積雪連陰朝廷下詔求言御史鍾同手成諫章大畧以朝見兩宮復還儲位爲重初以稿示都察院副都御史劉廣衡見其語意觸諱謂之曰逆犯龍鱗者必死同乃易稿意在諸司臣寮各言致災之由而復儲一事實欲禮部啟之既奏有旨命廷臣集議無敢言者時給正欲建言遂發復儲事於是年五月九日巳未曠時封章進當宁見則大

怒讀畢日已昏門已扃乃傳旨自闕出命錦衣衛卽
時逮捕入獄翌日榜掠訊無跡又一日加榜無全膚
不得已辭連同卽逮繫入獄對旣實乃加刑覆訊必
欲招通南內不服用炮烙刑又不服乃窮慘酷欲致
之死地天乃大風降黃沙人大恐乃禁錮欲終其身
自是日甲子兩至於八月旣得生乃酌酒相慶或賦
詩遣興或奕棋消閒日則對坐夜則對卧相與談論
無復憂悶

見鍾同墓誌銘

大理寺少卿廖公莊見同與綸下獄乃繼言復儲事
當宁怒其言切直待其以丁憂陛見卽於朝堂大杖

之八十幾死貶爲陝西河洲衛定寇城驛丞遂因而
有旨命錦衣衛封六大杖擇六壯卒卽獄中大杖同
與綸一百必就死每五杖易手同肌體尤瘡故杖至
三十已斃不動杖畢頃之乃甦衆以手輿入獄又禁
不與酒旣而綸漸平復幸不死

鍾同墓誌銘並
章恭文公集

天順元年丁丑正月奉 旨釋放還職出獄之際京

城男女娶觀填道擁不可行有嘆息泣下者

見年譜

方脫桎鐐手足拘攣不能動履項上鐵索繫縛三年
身同臥起白亮如銀尋陞禮部右侍郎山東水守臣
請蠲租米允公爲請得減其半宗室有被火盜乞賑

卽同列執以例公特請得賜金五百兩時尚書與濟伯楊善侍郎鄒幹意皆不協南京禮部侍郎缺卽以公封上初難之頃之改南京禮部又改吏部轉左侍郎凡六考成化丙申守制乞致仕許之卒贈尚書

諡恭毅

年譜

方其職在一司位不過五品開口攘臂論國家大計雖身困言屈一時天下皆知有所謂名義所謂風節以至於英祖之光復憲皇之顯紹神功聖德鏗鈞炳耀於天地門而公之身及際其盛後雖遠處南國亦隱然爲天下重微公輩二三人則名義風節皆

未可知而天下之事去矣是豈非天之有意於國家
億萬載靈長之祚而然哉

見西涯李公年譜序

公旣以節義爲天下望未嘗少貶以從時權奸憚之
故爲左右侍郎十有八年皆處南國顯擠潛沮弗復
改擢公益以終不自悔議者以公有汲長孺之
剛直魯宗道之骨鯁

見王綱修所撰公廟碑

正統之末 社稷非 景帝未知如何一時安懷之

功卓矣所不遑者易儲一事爾使當時廷臣有能直
課以身徇之則儲未必易後有繼公連章劾評必從
乃已則儲可必復正月十七日之變亦何目而萌柰

何獨公憤發一言遂罹楚毒豈意復躋顯位以功名
考終而榮及後人忠義之報何如哉蓋公孝友朴淳
剛方坦易遇事敢言厥後景帝拒絕讒間全護
兩宮其亦終有悟於公之言也夫

名臣言行通錄

南京禮部右侍郎廖公莊傳

廖恭敏公莊字汝止吉水人初爲刑科給事中會陝右饑命公賑之公以便宜行事全活甚衆比還多所建白時西楊當國家人有不法者公率同列上章劾其不職旦日入朝相遇門下莊不爲避揖西楊謝曰得罪西楊亦慰之曰公少年宜持丰裁景泰五年七月災異詔求言公上疏其畧曰臣仕中朝十餘年間見上皇歲時令朝臣謁賀於東廊恩禮隆洽羣下感動上皇今者深居南內間安侍養大聞曠闕非所以篤忠愛友悌之誼慰天心而召和氣也且

上皇之子宜令其親近儒臣講明經義以端國本
庶使天下臣民曉然知 朝廷公天下之心詞意悲
懇留中不報明年內艱入見會章鍾二疏入 上忽
念公往年有疏大類二人并逮三人杖於午門幸不
死謫定羌驛丞天順初 召還時內艱未闋繼遭父
喪以公忠特賜祭葬服闋改南大理已又陞南禮部
右侍郎御史有劾公者 上斥之不聽逾年卒贈刑
部尚書公爲人易直表裏坦然性剛詞氣激烈少不
當意輒面折已則釋然雖問爲深機者所中卒不能
自易也廣廷大議棘棘不撓及以言被罪名稱籍甚

四方想聞其風采然不子子爲異仿細行以取譽接
對士類不見有纖毫貴勢態尤篤於鄉里故舊管護
拯拔極其力之所至賓至卮酒豆肉輒與爲懽無一
食不對賓客旣爲法官所親或勸稍謝往來遠嫌議
公笑曰昔人有言臣門如市臣心如水吾無媿吾心
而已沒之日無以爲斂竊居第供費歷時不能售鄉
之仕於朝者相與哀助假貸以佐之於是足以見公
之平生蓋賢於世之深情厚貌事邊幅者遠矣故河
東文清薛公謂公於議論知識獨能得其遠者大者
真知言哉

通議大夫南京禮部右侍郎贈尚書馬公廷用

墓誌銘

楊廷和

公諱廷用字良佐姓馬氏四川南充縣人太父諱覺
照父諱鐸俱以公貴贈通議大夫南京禮部右侍郎
祖妣朱氏妣賈氏俱淑人賈初夢月入懷而公生性
穎異讀書過目輒成誦外大父鄉進士賈公嘗語人
曰是兒他日必充馬宗稍長從廣安曾謹思學易年
十四巡按御史條姚胡君寬試其文大奇之曰是翰
苑人物也成化四年舉於鄉卒業太學大司成丘文
莊公合六館士試之以公爲首由是名震都下十四

年舉進士改庶吉士進學翰林十六年授編修二十三年同考禮部會試尋丁祖妣憂弘治四年起復時與野亭劉司直涇川張仲湜東川劉仁仲及予相倡和有詩名六年充廷試受卷官尋陞侍讀侍經筵八年主考順天府鄉試所取多得人九年與修大明會典明年陞南京翰林侍讀學士前胡御史僑居江寧公往拜之迎謂公曰吾言果不負矣太宰倪文毅公爲人簡亢少許可每詣公輒抵掌談論夜分乃罷十五年陞南京禮部右侍郎復與楊達菴儲柴墟林見素呂秉之爲文字友嘗署南京戶部會歲歉江北流

民就食都下者相屬留守諸司議所以拯救之法公持議發廩或以爲當請於朝公抗言曰若待奏請而後賑濟數萬人將化爲鬼物矣古人固有矯制發倉者吾請獨任其罪衆是之賴以全活者甚衆旣而奏上果如所擬守備成國公朱以祭告攝事與太常議禮不合互相論奏且移文禮部公判之曰尊君事神務在得體量情協禮貴無僭差或者見之曰此十六字南山判也議始定公臨事斷決類如此正德四年再引疾乞休得允歸治田園與親友日相從觴詠爲樂言者交章薦之冀其復起十四年正月二十四日

卒訃聞命禮部諭祭工部治葬域仍贈南京禮部尚書異數也公長於經學以易爲潔靜精微之書近世作義者或雜引他說殊戾本旨乃會程朱傳義發爲文章成一家機軸學者宗之爲詩文不弄鉤棘聳牙之語所著有紫崖集若干卷藏於家紫崖西充望山也公家世居之因以自號公天性孝友初登第時見同年黎君復登輒愀然泣下黎問之故曰君始發解吾先人舉君以相屬豈意今日得與君同榜恨先人不及見是以悲耳事兄廷惠撫從弟廷實及從子企俱有恩禮居家治官事必循禮而協之情要在道可

行時可濟區區其說名聲之事不屑也衣冠言動亦
簡朴不爲華靡接納後進恂恂如畏至議論古今人
物得失高下慷慨直言聽者忘倦嘗語人曰吾少貧
每會試間關萬里或負書徒步往來未嘗以爲苦曰
男子事當如是耳

嘉議大夫南京禮部右侍郎贈南京禮部尚書

五清劉公瑞傳

雷禮

劉瑞四川成都府內江縣人弘治丙辰進士少敏甚
日記千言爲文有奇氣選庶吉士讀書翰林於墳籍
子史旁搜廣摭無微不錄討疑伐舛不苟爲同而所
學益邃衆多下之授翰林院檢討日稽古自鑒至於
應酬叙述脫腐遠俗悉根理道正德二年逆瑾竊柄
尋乞致仕五年起用以丁憂不果十年再起浙江按
察司副使提督學校約章程茂德教所至發鄙擊蒙
不蹊於雜施又藻鑑公明甄拔皆知名士十四年陞

南京太僕寺少卿暇日作興學校隨所詣爲之是正
出其悟表會滁守陳璧建科第題名碑爲之紀其事
備云高皇龍飛草昧一時熊虎之士奮志勇冒矢石
贊成大業大率多滁人況百五十年未滿煦王化本
之經史督之師儒表之宅里榮之爵祿感風雲而起
者又何讓於熊虎之盛故滁士聞之莫不興起踰二
年陞南京光祿寺卿尋進南京太常歷南京禮部右
侍郎雖留務清勝不究厥用而行誼嶄然爲縉紳所
共稱至沒之日無以爲殮尤可以卜其素履公卒贈
南京禮部尚書隆慶元年從孫侍御鞠奏賜諡文肅

南京禮部右侍郎趙永傳

趙永字爾錫直隸鳳陽府臨淮縣人長陵衛軍籍寄養順天府學沉靜簡默博洽淵冲從大學士李文正學文正曰此子風骨不凡而造詣宏博遠到之才也登壬戌進士授翰林編修纂修實錄忤逆瑾瑾欲左遷銓部疏勤慎竟復職瑾終銜之未裕如也辛未甲戌兩主會試文衡崇雅黜浮文體復古授侍讀轉春坊太子右諭德充經筵講官奉命主武舉武廟南狩以居守有勞賜金麒麟服陞國子監祭酒表建師模嚴飭士習抑請托進廉節動遵矩範不阿權

要海內嚮風翕然丕變今上登極仍命直經筵兼

日講官每進講必先焚香閉戶積誠滌慮以冀感通

駕幸大學賜坐講尚書大禹謨敷陳剴切進止雍容

上屢注目罷講聖諭褒獎翌日率諸生表謝

上賜勅及彩幣二襲仍賜宴寵異偶因疾在告上

念講官無直諫者遣鴻臚寺賁旨至臥榻諭起供

職永感恩流涕力疾入謝未幾復以言忤當路辭解

日講官轉南京禮部右侍郎尋攝部篆永修禮敦俗

風化一新時內閣缺輔臣永負時望大學士楊一清

恐相遇不合佯以他意挑之永曰吾可以纓見浼吾

平其疏乞休隱居都下不出戶庭都給事中董進
第御史王瑛率諫垣臺臣薦永名重玉堂化覃璧水
退居於輦轂之下而踪跡愈幽充養乎經濟之才而
聲猷實富吏部亦首疏起永竟不出築精舍數椽繚
以筠檜橫琴抱膝若將終身嘉靖戊申卒於家壽八
十所著有類菴稿文華講義南京錄瀛洲詩北歸稿

通議大夫南京禮部右侍郎涇野呂公栴行狀

馬汝驥

公呂姓諱栴字仲木號涇野高陵人學行爲四方學者所宗謂爲涇野先生云中弘治辛酉鄉舉第十正德戊辰會試第六廷試第一歷官翰林院修撰解州判官南京吏部考功司郎中南京尚寶司卿南京太常寺少卿國子監祭酒南京禮部右侍郎致仕按呂氏本太公望後宋時有諱世昌者居高陵故世爲高陵人又幾世生彬卿彬卿生八八生興興生貴貴生鑑鑑生溥號渭陽渭陽公配宋氏生公昔葬彬卿祖

時其壙有聲如雷卜言兆顯六世至是公生敦厚穎敏特異始就傳於周尚書習小學之節邑高郎中見曰此子他日必成大人君子不但科第而已提學馬君奇之命爲弟子員時未總丱輒有志聖賢之道乃夏居矮屋衣冠危坐雖炎暑燂金不越戶限至冬月祁寒則履藉麥草誦讀恒夜以繼日年十四應試臨潼貧不能假館宿新豐空舍夜夢老人自驪山而下謂曰爾力學後當魁天下旣試補廩膳生母宋卒公哀毀骨立旣受學於高教諭儔邑孫行人昂請益於渭南思菴薛氏乃試於提學楊遠菴王虎谷二公屢

冠多士爰拔入正學書院授以所學由是見聞益博
嘗夢見明道程子東萊呂子就正所疑學益大進於
時熊李二叅政聞其賢延爲塾師公以禮無往教辭
乃遣子就學所居寺中一日聞父疾走還二叅政命
驛馬追送弗受父疾尋愈乃居雲槐精舍熊李二生
及多士皆來就學公食穀麵餅有上客至與共之鄉
舉後與三原秦憲使世觀馬光祿伯循榆次寇司馬
子惇安陽張憲使仲修宗伯崔文敏公仲鳧林慮馬
都御史敬陳講學於成均又與一二同志輟舉業務
博文約禮規過輔仁道相望雖衆以爲迂諱而弗恤

更歷五橫而踐履篤實粹盎外著蓋不知夫富貴之
可淫貧賤之可移威武之可屈矣會孝廟賓大公與
同志哭臨聲出淚下通國異而譁之弗變孫行人沒
公服衰哭拜弔者戊辰廷試策對仁孝武廟嘉之賜
狀元及第傳臚之前則欽賜冠服帶履至友人謂服
習容觀公如言若固有之明日有中官橫加賀禮卻
之祿入祀先祝稱某之子某何太史粹夫健之凡父
母賜書再拜使者受之退而跪讀餘親友書受讀有
儀聞期功總喪必爲位而哭凡贊非禮不受在官_{年二}
安西夏亂公疏請上入宮御經筵親政事可常保富

貴時中官惡其言因嘗卻賀禮又不往見欲殺之乃
乞養病得歸中官使校尉尾至真定不得其過而返
抵家數月中官凌遲人服公明公居家杜門謝客糲
食草茹若將終身涓陽公間責次子梓公跪勸之梓
逃乃朴公伏地受之怒輒解臺諫交章薦曰當劉瑾
擅政縉紳側足乃能不顧時忌求歸且學問淵粹安
貧守分以斯介行使立朝必能振起休風勸懲頽俗
遂起用入朝乃上勸學疏畧曰昔周文王緝熙敬止
咸和萬民斯享靈囿之樂元順帝廢學縱欲盛有臺
沼我太祖一舉而取之上嘉納時乾清宮災公應

詔陳言一曰逐日臨朝聽政二曰還處宮寮預圖儲
貳三曰郊社禘嘗祇肅欽承四曰日朝兩宮承顏順
志五曰遣去義子番僧邊軍令各寧業六曰各處鎮
守中官貪婪取回別用又累進講勸上舉直錯枉疏
後引疾乞歸友人崔後渠氏言於京曰仲木去就可
謂必矣時西安秋旱禾槁有司槩征租公言於當道
獲薄征張仲修爲御史築河東書院成請定三晉應
祀名賢公旣論定其祀又答以書爲乃上之給命正
多貴言賤行故馬融訓詁雖附勢殺貴猶祀孔廟尹
焯守死善道如朱熹亦短其致知以孔顏之學觀之

後儒失之遠矣故今定祀惟取大義不論文辭俾學者知所趨向王都御史薦公篤學好古乞代已官渭陽公病公侍湯藥晝夜衣不解帶履恒無聲如是一年鬚髮變白丙子五月渭陽公卒公哀毀嘔血先母宋權厝城東至是啟壙失一指公號天痛哭乃復得之遂合葬時大雨如注公徒跣擗踊泥中自葬者皆感泣稱孝既葬廬於中門之外旦夕號慟時陝西鎮守中官廖氏愧以金幣諸物卻之有客托交遊以三百金求書公曰人心如青天白日不意視如鳥獸矣遊而退盛都御史朱熊曹三御史交章薦曰學術

閔深操履純正甘貧體道人望攸屬今上登極起
用明年改元嘉靖復館職纂修武廟實錄進講虞書
適值仁祖淳皇后忌辰公口奏存條服之禮罷酒
飯之賜癸未充會試同考試官所取士二十餘人皆
名士嘗上疏請溫尋聖學曰學貴知要而力行故慎
獨克己上對天心親賢遠讒下通民志伏望聖上
尋溫體驗甲申四月奉旨修省以十有三事自劾疏
上出山西解州判官至解首恤無告及諸貧困以贖
刑木綿米肉給之見解之丁差倍徙他邑乃懇告當
路會議分派槩省解民獲蘇於時解人及四方士多

從遊者乃卽廢寺建解梁書院祀往開來復選民間
俊秀子弟俾習小學之節歌豳風之詩又令諸耆德
俊民朔望講讀會典諸禮及行藍田呂氏鄉約凡冠
婚喪祭俾皆尊聞行知察諸孝子義士節婦咸遵奉
詔旨題表其門復求子夏之後令其入學建溫公之
祀而考序其集築隄以護鹽池疏渠以興水利桑麻
以導蠶績於是士民率由風俗丕變屬縣亦觀感而
化盧御史交章薦曰興學而人才丕變勵俗而禮讓
大行乃陞南京吏部考功司郎中四方從學士及州
人皆冒雨送至河干旣去解人思之不忘豎碑以識

遺愛至留都日親吏牘忘其煩勞大司馬王浚川公薦曰性行淳篤學問淵粹陞南京尚寶司卿乃復授學鷺峯禪寺東南之士及門者益衆壬辰冬陞南京太常寺少卿乃迎繼母侯就養又禁道士俗裝每月令演樂者再南京太廟災例上疏自陳乞罷黜不許時閣大臣再斥再起九卿大小皆遣人候之塗有約公者公曰予與之無一面識不敢輒通刺加禮也閣臣有錫官南京納好者尤衆公自常禮外不交一言後屢欲退公官未果也會閣臣病歸乙未陞國子監祭酒首發明監規教人以正心爲本忠孝爲先取儀

禮及爲詩樂圖譜俾諸生講肄每試刻文之優者以式多士復申明監規五事 上皆允行公在監諸生有疾必問而醫有死者必哭而歸骨其鄉有喪必弔且聘有孝廉著聞者則識諸簿榜以旌之又先撥歷示勸仍奏減歷以通淹滯於是兩廳六堂諸屬皆觀法清慎諸生皆以德行道義相先而禮樂并行聲容俱美諸公侯子弟皆率教樂學諸觀政進士及歷事舉人數就而問業中官沈東亦時至聽講乃後張御史薦云德行表儀諸生文學風動天下陞南京禮部右侍郎九卿謁孝陵著祿淡水同寮曰盍着緋公曰

上陵望墓生哀服慘爲是衆從之有蔡生請鹽商墓志不獲同寮爲之請曰蔡生有相才可勿拒公曰一書生而遨遊權貴之門得志則下陵可知縱爲相吾弗取也終拒之時 皇太子生以覃恩得贈祖及父如已官祖妣妣繼母及妻俱得贈封淑人次子昀廕入太學公有微疾因使具疏乞歸會公長子田在京疏不得投返其使公意不遂前閣臣病歸者死同寮約九卿翰林祭公乃不拒曰今不可違衆也初閣臣暴橫其鄉侵田宅無算旣死按浙御史或直之同寮爲疏告之莫力保其家公與書責其阿私黨姦且望

其一變爲正人同寮復曲以言辨稱閣臣十善公嘆
息而止署南京吏部印乃疏薦時賢備任用又薦將
材數人尋進表朝賀畢見閣大臣閣臣曰某匪人公
曰愚與居未知其非祇見其才耳公合天下之才以
事聖主可也閣臣不悅公返留都己亥春累疏乞停
止親視山陵及慎重大禮上悉納五月復進聖節
表道過河南見餓殍盈途語所在郡縣墮之抵京值
奉先殿災例自陳上允其致仕公既與閣臣忤及
入京乃閣臣先來見餽之酒肉語款而禮勤已乃得
致仕閣臣意也歸事繼母侯孝養備至侯病頭風畏

寒親爲艾褥進乃安張御史按陝薦公雅志安貧力
學敦行忠信篤敬規矩準繩辛丑春侯卒公哀毀殯
殮如禮壬寅六月公左臂病癱至七月一日卒距生
則成化己亥四月二十一日享年六十四歲卒之日
食時復有大星流光震隕之變遠邇弔者以千計大
夫士及門人悲痛如私親皆走巷哭爲罷市三日解
梁及四方弟子聞訃皆爲位哭所著述有四書因問
周易說翼尚書說要平詩說小春秋說志禮問內篇
外篇涇野文集詩集六四子抄釋小學釋詩史館獻
納南省奏議寒暑經圖解渭陽公集史約上陵詩賦

曲頌監規發明署解文穆高陵志解志漢壽亭侯集
魏氏宋氏族譜詩樂圖譜共若干卷

卷之三

三

三

南京禮部右侍郎贈禮部尚書崔文敏公銑傳

郭朴

崔銑字子鍾一字仲冕叅政陞之子也資稟穎敏誦
覽絕人弱冠舉鄉試入太學與四方諸名士秦偉馬
理呂柟寇天叙馬卿張士隆相友約明經修行母慕
高虛母溺訓誥其志毅然以洙泗爲師弘治十八年
舉進士改庶吉士授編修校修 敬皇實錄同考會
試宰執託私其子銑拒之逆瑾竊政銑見瑾不屈瑾
怒欲加以罪其黨張綵曰北方頓此人倡占作挫抑
之不可實錄成瑾矯 旨以練達政務爲名出翰林

諸臣於外銑調南京稽勲主事益約名流講評經史
瑾誅召還職時輔臣以文藝籠絡縉紳漸成風致銑
上書勸以及時悟主救民薦賢理財強兵毋事瑣末
懇懇千餘言時論避之經筵進講以擇相輔德納誨
去讒頑戒逸豫爲勸時權倖錢廖輩在側大銜之九
年考績陞侍讀以疾告歸作後渠書屋董耕授徒意
泊如也 世宗卽位起修 武廟實錄仍充經筵講
官擢南京國子祭酒銑開誠心崇正義闢經學正文
體獎雋彥懲遊惰日衣冠坐講堂諸生朝夕問難響
答不倦且周貧佚老問疾賻喪士林大悅甲申議大

禮有欲引銑爲助者銑恥於黨附拒絕之乃抗疏勸
上勤聖學辨忠邪以回天變自分必得罪已報致
仕歸閒居讀書洎上折衷羣言遠近從學者衆銑教
以研經飭行曰道在五倫學在治心功在慎獨論學
曰古之好異者以明志今之好異者以昧心夫正物
之謂格至理之謂物今之異言也聖賢之道如日月
五星點綴求異而不求其所循與否祇以抗名譁世
而已非昧其心與孟子曰良知良能心之用也愛敬
性之實也本諸天故曰良今取以證其異剛良能而
不挈非霸儒與論讀書曰讀經見諸行事因事驗其

經旨日誦六經不力行則得其字耳家居十六年杜
門著書日坐不貳軒非聖人之志不存非翼經之文
不閱朝臣多引薦者愈自晦約或勸通問當道曰有
義命已亥 皇太子立慎選官僚起補少詹事兼侍
讀學士銑未至也衆想望風采比至咨政講學無虛
日尋轉南禮部右侍郎都御史王暉言句容朱家巷
爲 帝祖鄉宜表揚銑當覈實乃執議曰 皇明興
王之基失實爲閭閻址荒唐莫可憑據事乃寢明年
秋入賀 聖節冬過家疾作遂請致仕欲續士翼解
春秋註孟子刪定宋元史病劇不克卒年六十四贈

禮部尚書謚文敏銑端嚴伉爽言動有矩無世依阿
態鄉人擬之程伊川平居手不釋卷對客談古今事
評議經史駁正前人陂見咸有確論初年陋萎文之
習抗志古昔自唐以後弗屑也翰林職專聞望奕起
其文流傳海內稱爲宗工壯歲志在行聖人之道以
濟天下閒居日久則思著書明道以傳來世所著有
松窓宿言中庸凡大學全文政議士翼讀易餘言郡
志洹詞及刪定程遺書中說考晦菴文抄文苑春
秋諸書行於世學者以爲後渠先生云

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

其後有司以爲此書之出於秦也其書之出於秦也其書之出於秦也

嘉議大夫南京禮部左侍郎贈禮部尚書諡文

僖龍白陳公陞行狀

呂本

公諱陞字晉甫姓陳氏別號龍白其先自南朝居於
吾姚開原鄉之登洪里至宋從開原徙姚江之南學
官之西居焉遂世爲東南隅人高祖諱孟雍贈吏部
文選司郎中妣吳氏封太宜人曾祖諱雷封彰德府
同知贈湖廣布政使司左叅政妣孫氏封太宜人贈
淑人祖諱廷敬薊州判官贈工部營繕司主事加贈
廣西布政使司左叅議湖廣布政使司左叅政妣于
氏贈安人恭人淑人考諱煥號西愚光祿寺卿妣胡

氏封安人恭人淑人公生而白皙豐腴自孩提嶄嶄露頭角有巨人志不與羣兒戲狎西愚公心奇之暑亂從塾師書一再讀不忘十歲能文才思駿發弱冠入邑庠爲弟子員嘉靖庚子以禮經魁浙江鄉試明春復魁會試廷試二甲第三卷徹御覽改庶吉士而公之名聞於海內矣公益感上知遇夙夜劬心勞力遍讀中秘書每試輒先儕輩館閣諸老翁然以公輔器期之公顧抑抑自持言若不出諸口士類莫不歸心癸卯授翰林院編修乙巳充纂會典官丁未充德府冊封副使燕享外毫髮無所受王特加敬焉

庚戌充會試同考辛亥丁外艱奔喪歸三年間悲苦
如一日吾姚人動以爲法甲寅服闋還任乙卯九載
秩滿擢本院侍讀丙辰又充會試同考戊午主考應
天鄉試公念以人事君其事至重每承校閱之命殫
精竭力去取不爽錙銖故所得多佳士是年冬以資
深擢左春坊左諭德辛酉擢侍讀學士掌院事壬戌
禮部右侍郎缺銓曹以公陪推先帝特以擢公九
月轉左甲子丁內艱大事旣襄思念二親不可作欲
養無從明發多不寐丙寅服闋乃於故址築室遂有
終焉之志然士類謂公豈宜久在家食顚顚望公起

於是暫補南京禮部左侍郎公蒞任未幾有旨修鳳陽皇陵及壽春王墳公當率屬會撫按守備相規制程物力諷時日至則徒步往返餘二十里又心計手書悉出於公殊爲勞瘁是夜四鼓痰疾作卒乃丁卯十月二十日也距生正德己巳十月初九日享年五十有九郡守具棺殮撫臣奏聞且請卹典從厚大子震悼制若曰聞某雅恬靜況殞身公役下禮部議報於是遣官諭祭有司管葬謚文僖贈禮部尚書人臣榮哀之典無所不備誠異數也公性質純粹器度宏大平生安於義命不欲與物爲競其於官職進

退遲速尤未嘗關念昔先帝用詞臣漢文頗速化公
獨再三堅辭當時大老甚訝之予爲言人各有見也
不必強觀此則公之賢於人可知矣其在翰林二十
年讀書談文之外無所好亦不輕爲遊觀掌內外制
甚久正大典雅真可華國卽超叙不爲過因其澹然
自守而推轂者亦鮮乃先帝獨鑒知之而郊廟命
之陪禮殿工命之閱視癸亥虜犯薊鎮勅守皇城而
禮侍之擢特出簡眷蓋大拜爰立可佇而俟也今不
幸已矣予嘗聞其從兄叅政紫墩云癸未將會試而
公在髫年送之同榻紫墩偶問之汝他日做好官做

好人公應曰好官不如好人也今蓋棺事定而公做
好人之志自少而壯而老可謂始終不渝者

南京禮部右侍郎孫鋌傳

南京禮部右侍郎孫鋌浙江餘姚人故尚書陞之子
都御史謚忠烈燧之孫也舉嘉靖癸丑進士改庶吉
士尋授編修校永樂大典纂修承天大誌隆慶丁卯
大典成陞左中允賜五品服歷左諭德國子祭酒至
今官未任而卒時隆慶四年十一月以經筵講官特
賜祭一壇

焦太史編輯國朝獻徵錄卷之三十七終